



Broj:08-01- 49-32256/15
Sarajevo, 19.01.2016. god.

SKUPŠTINA KANTONA SARAJEVO
-Predsjedateljica Skupštine-
O v d j e

PREDMET: Odgovor na zastupničko pitanje

Veza: Vaš dopis broj: 01-05-32256/15 od 04.01.2015. godine

Na Desetoj Radnoj sjednici Skupštine Kantona Sarajevo, održanoj 29.12.2015. godine zastupnik Semir Halilović u okviru tačke Dnevnog reda: "Poslanička pitanja, inicijative i odgovori" a u skladu sa Poslovníkom Skupštine Kantona Sarajevo pokrenuo je zastupničku inicijativu vezano za poslovanje Fondacije „Istina, pravda, dostojanstvo“ iz Hadžića:

„S obzirom da raspolazem informacijama i dokumentima, koje ću dostaviti Budžetskoj inspekciji Kantona Sarajevo, a koji govore da su budžetska sredstva u visini 150.000 KM potrošena potpuno mimo odluke Skupštine kantona Sarajevo i nadležnog ministarstva, tražim da Budžetska inspekcija Kantona Sarajevo ispita poslovanje Fondacije „Istina, pravda, dostojanstvo“, te da utvrdi da li se novac koji je 2011. i 2012. godine dat Fondaciji „Istina, pravda, dostojanstvo“ iz Hadžića trošio u skladu sa odlukom Skupštine i resornog ministarstva.

Prema dokumentaciji koju sam imao prilike vidjeti Fondacija „Istina, pravda, dostojanstvo“ iz Hadžića je, finansirajući projekat tužbi za pravedan povratak u entitetu Republike Srpske, putem advokata Esada Hrvaića i to u visini od oko 150.000 KM u dva navrata, sredstva data za odbranu optuženih pripadnika Armije Republike BiH transferirala potpuno u suprotnom pravcu od odluke Skupštine KS i resornog ministarstva čime su ova velika budžetska sredstva potrošena protivno namjeni.“

Odgovor:


Vezano za inicijativu uvaženog zastupnika Halilović Semira, navodimo da je Uredbom Vlade Kantona Sarajevo o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, broj: 33/11, 3/12-Ispravka, 37/13 i 16/14), članom 11. propisano da: „redovan nadzor nad utroškom sredstava vrši nosilac budžetskih sredstava i budžetska inspekcija Kantona Sarajevo po zahtjevu davaoca sredstava ili u okviru svojih redovnih inspeksijskih nadzora nad utroškom budžetskih sredstava“.



Ministar finansija je dana 18.01.2016. godine izdao nalog Budžetskom inspektoru Ministarstva finansija da u periodu od 18.01. do 18.02.2016. godine obavi budžetski nadzor u Ministarstvu za boračka pitanja Kantona Sarajevo i Fondaciji „Istina, pravda, dostojanstvo“ iz Hadžića, odnosno kontrolu namjenskog trošenja budžetskih sredstava koja je Ministarstvo za boračka pitanja Kantona Sarajevo dodijelilo Fondaciji u 2011. i 2012. godini.

Ministarstvo finansija će nakon obavljenog budžetskog nadzora Skupštini Kantona Sarajevo dostaviti izvještaj o utrošku sredstava dodijeljenih Fondaciji „Istina, pravda, dostojanstvo“ iz razdjela Ministarstva za boračka pitanja Kantona Sarajevo.

S poštovanjem,



MINISTAR

Prof. dr. Jasmin Halebić

Dostaviti:

1. Naslovu
2. CO-Stručna služba Vlade
3. a/a

Pripremila-Avdjić Z. 



web: <http://mf.ks.gov.ba>
e-mail: min.finansija@ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62

